




Where Do I Find Child Care? Kuv Yuav Nrhiav Chaw Zov Menyuum Licas?



Nrhiav chaw zov menyuum kom haum rau koj tsev neeg thiab koj qhov haujlwm/sijhawm kawm ntawv yuav siv ntau hnuv los yog ntau asthiv thiaj tiav. Yog koj xav tau kev pab txog nrhiav chaw zov menyuum, koj hu tau rau tom qhov chaw ua haujlwm pab nrhiav neeg zov menyuum (CCR&R) nyob rau _____. Lub koomhaum no muaj tagnrho tej chaw zov menyuum hauv tsev thiab tom tej chaw zov menyuum loj, uas nyob ze ntawm koj thiab yuav pab nrhiav kom tau qhov chaw zoo zov menyuum uas haum rau koj tsev neeg. Tus nqi them rau lawv yog raws li cov nyiaj khwv los ntawm ib lub xyoos thiab saib tsev neeg muaj pestsawg leej thiab ntau zaus yuav tsis tau them nqi dabtsi los ntawm niamtxiv.

Dua li ntawm qhov chaw nrhiav neeg zov menyuum, koj ciali nrhiav koj xwb los tau thiab. Koj yuav tau sim raws li nram qab no:

- o Nrhiav hauv phau ntawv Daj ntawm qhov “Zov Menyuum.”
- o Saib tej kev tshaj tawm muaj ib ncig ntawm koj los ntawm tej ntawv xovxwm.
- o Xyuas tej ntaub ntawv tshaj tawm uas luag muab lo rau tom tej khw, tsev teev ntuj thiab tej chaw ua haujlwm loj.
- o Nug lub tsev kawm ntawv ze koj, qhov chaw nrhiav haujlwm saib puas muaj tej menyuum kawm ntawv xav nrhiav haujlwm ua.
- o Qhia tej phoojywg, cov neeg nyob ib ncig ntawm koj thiab cov neeg koj ua haujlwm nrog hais tias koj xav nrhiav neeg zov menyuum. Lawv yuav paub tej chaw zov menyuum uas yuav pab tau koj los yog tej zaum lawv kuj yuav pab zov tau koj cov menyuum thiab.

Muaj Tej Chaw Zov Menyuum Zoo Licas Tiag?

Kev zov menyuum muaj ntau hom. Niamtxiv yuav xaiv tau kev zov menyuum los ntawm:

- o Cov neeg muaj daim ntawv tsocai zov menyuum hauv tsev
- o Cov neeg tsis muaj daim ntawv tsocai zov menyuum hauv tsev (Cov no yog tej phoojywg thiab kwvtij neejtsa txheeb ze)
- o Chaw Zov Menyuum Loj
- o Tsev kawm ntawv qhia qibpib
- o Muaj ntawv tsocai los npaj kev uasi (menyuum kawm ntawv kev uasi)

Niamtxiv yog tus txiav txim siab tias qhov chaw twg thiaj li zoo rau lawv tej menyuum. Koj yuav tau siv ob peb yam los uake thiaj yuav tau raws li koj tsev neeg lub siab xav.

Yuav Raug Nqi Npaum Licas Rau Kev Zov Menyuum?

Tus nqi them kev zov menyuum sib txawv thiab nyob ntawm qhov chaw zov menyuum thiab menyuum lub hnuv yug. Hauv qab no yog qhia txog nyiaj them nqi zov menyuum tias raug pestsawg. Tsis yog txhua qhov chaw zov menyuum tus nqi yuav zoo raws li hauv qab no:

Cov tau kev tsocai zov menyuum hauv tsev.....	\$50.00 rau \$150.00 rau ib asthiv
Cov zov menyuum tsis muaj ntawv tsocai.....	\$40.00 rau \$90.00 rau ib asthiv
Chaw zov menyuum loj.....	\$80.00 rau \$200.00 rau ib asthiv
Tsev kawm ntawv qhia qibpib.....	Tsis raug them (saib raws cov nyiaj khwv tau)
Menyuum kawm ntawv (tau ntawv tsocai).....	\$20.00 rau \$90.00 rau ib asthiv